

U G O V O R O N A B A V C I U S L U G E

Usluga sistematskog ljekarskog pregleda

Zaključen između ugovornih strana:

1. **UNIVERZITET U SARAJEVU**, Obala Kulina bana 7/II, 71000 SARAJEVO, kojeg zastupa rektor prof. dr. Rifat Škrijelj (u daljem tekstu: *Naručilac*), ID broj: 4200494560007 i
2. **JUKS „ZAVOD ZA ZDRAVSTVENU ZAŠTITU STUDENATA UNIVERZITETA U SARAJEVU“**, Patriotske Lige broj 36., koga zastupa direktor Žana Pozderac Jahović (u daljem tekstu: *Izvršilac*), ID broj: 4200098290005, broj transakcijskog računa: 1610000035830065 otvoren kod Raiffeisen Bank Sarajevo.

I. PREDMET UGOVORA

Član 1.

Predmet ovog Ugovora je nabavka usluge i to: **Usluga sistematskog ljekarskog pregleda; obavljanje sanitarnog i sistematskog ljekarskog pregleda radnika Univerziteta u Sarajevu, Rektorat** (u daljem tekstu: *Usluga*), za potrebe i po zahtjevu *Naručioca*, u skladu sa uslovima utvrđenim u *Zahtjevu za dostavljanje ponude* *Naručioca* broj: 0101-7116-2/19 od 09. 09. 2019. godine (u daljem tekstu: *Zahtjev za ponudu*) i *Ponudom* *Izvršioca* broj: 0301-2058/19 od 11. 09. 2019. godine (u daljnjem tekstu: *Ponuda*).

Izvršilac Usluge obavezuje se da u skladu sa *Zahtjevom za ponudu*, *Ponudom* i pozitivnim propisima koji uređuju predmetnu oblast, izvrši Uslugu.

Ponuda *Izvršioca* je u prilogu i čini sastavni dio Ugovora.

Član 2.

Sadržaj usluga *sistematskog pregleda* podrazumijeva: proširene laboratorijske pretrage, ljekarske preglede specijaliste interne medicine – subspecijaliste kardiologa, specijaliste neuropsihijatra, oftalmologa, mišljenje psihologa, specijaliste medicine rada sa izvještajem, što je detaljnije određeno *Zahtjevom za ponudu* i *Ponudom*.

Sanitarni pregled uključuje uzimanje i pregled brisa nosa i grla na betahematolički streptokok grupe A, uzimanje i pregled koprokulture i podrazumijeva sanitarnu knjižicu i upis rezultata u istu.

II. VRIJEDNOST USLUGE

Član 3.

Ukupna vrijednost Usluge prema specificiranim uslugama, količinama i ugovorenim jediničnim cijenama iznosi 5.901,90 KM (slovima: *pethiljadadevetstotinajednakonvertibilnamarka i 90/100*) bez PDV-a, što sa uračunatim PDV-om na usluge ljekarskog pregleda iznosi 6.379,92 (slovima: *šesthiljadatristotinesedamdesetdevetkonvertibilnihmaraka i 92/100*) od čega:

- Ljekarski pregled

2.811,90 KM (bez PDV-a) (slovima: *dvijehiljadeosamstotinajedanaestkonvertibilnihmaraka i 90/100*)

što sa uračunatim PDV-om iznosi:

3.289,92 KM (slovima: *trihiljadedvjestotineosamdesetdevetkonvertibilnihmaraka* i 92/100).

- Sanitarni pregled

3.090,00 KM (bez PDV-a) (slovima: *trihiljadedevedesetkonvertibilnihmaraka* i 00/100).

**Sanitarni pregledi ne podliježu obračunu PDV-a.*

Cijena Usluge obuhvata sve troškove koje Naručilac treba platiti Izvršiocu u vezi sa Uslugom.

Ugovorene cijene usluge iz stava 1. ovog člana su fiksne i neće se mijenjati za vrijeme trajanja ovog Ugovora.

III. MJESTO IZVRŠENJA USLUGE

Član 4.

Izvršilac se obavezuje da će Uslugu obaviti u vlastitim spezijaliziranim prostorijama opremljenim i predviđenim za odgovarajuću vrstu pregleda koji su predmet Ugovora, a sve u skladu sa Zahtjevom za ponudu i Ponudom.

IV. ROK I NAČIN IZVRŠENJA USLUGE

Član 5.

Ugovorne strane su saglasne da se usluga sistematskog i sanitarnog ljekarskog pregleda obavi u periodu **od 07. 10 do 11. 10. 2019. godine.**

Izvršilac se obavezuje da Uslugu izvrši u roku, na način i pod uslovima određenim Ponudom Izvršioca i odredbama Ugovora, u skladu sa pravilima struke.

U izvršenju usluga Izvršilac je dužan osigurati da iste u njegovo ime izvršavaju eksperti iz predmetne oblasti sa odgovarajućim nivoom znanja/vještina za konkretne poslove.

Ukoliko Izvršilac u ostavljenom roku ne izvrši Uslugu u skladu sa Ugovorom Naručilac ima pravo da raskine ugovor i zahtijeva naknadu štete.

V. ROK I NAČIN PLAĆANJA

Član 6.

Naručilac će plaćanje izvršenih usluga (sistematski i sanitarni ljekarski pregled, dostava izvještaja iz člana 8.), izvršiti u roku od (30) trideset dana po prijemu uredno ispostavljene poreski ispravne fakture, na transakcijski račun Izvršioca naveden na fakturi.

Faktura se dostavlja na adresu Naručioca, Obala Kulina bana 7/II, 71000 Sarajevo, (Pisarnica).

VI. ODGOVORNOST I OBAVEZE NARUČIOCA

Član 7.

Naručilac se obavezuje da Izvršiocu omogući izvršenje Usluge na način i u terminu koji je predviđen Ugovorom te izvrši uredno plaćanje ispostavljene fakture u skladu sa članom 6. Ugovora.

VII. ODGOVORNOST I OBAVEZE IZVRŠIOCA

Član 8.

Izvršilac Usluge obavezuje se da:

- izvrši Uslugu koja odgovara zahtjevima i kvalitetu utvrđenim u Zahtjevu za ponudu te u skladu sa dostavljenom Ponudom;
- izvrši Uslugu na mjestu i u roku utvrđenom ovim Ugovorom, bez ikakvih dodatnih troškova izvršenja za Naručioca;
- riješi eventualne reklamacije Naručioca konstatovane od ovlaštene osobe;
- za obavljene sistematski ljekarski pregled izda izvještaj na obrascu ZP-2 za svakog zaposlenika i isti dostavi Naručiocu Usluge;
- ispostavi fakturu za izvršenu Uslugu.

Izvršilac usluge odgovara za kvalitet izvršene usluge, saglasno propisima i standardima koji regulišu predmetnu oblast.

VIII. TRAJANJE UGOVORA

Član 9.

Ovaj Ugovor se zaključuje do okončanja izvršenja usluge, a počinje sa primjenom danom obostranog potpisivanja Ugovora.

IX. RASKID UGOVORA

Član 10.

U slučaju neizvršenja obaveza ugovorne strane su saglasne da se Ugovor može raskinuti dostavom pismene obavijesti drugoj ugovornoj strani 7 (sedam) dana prije raskida.

Naručilac ima pravo jednostranog raskida Ugovora i zadržati pravo na naknadu prouzrokovane štete, ukoliko se Izvršilac ne pridržava odredaba ovog Ugovora u cijelosti, kao i u slijedećim slučajevima:

1. Ukoliko Izvršilac kasni sa izvršenjem Usluge,
2. Ukoliko kvalitet Usluge nije u skladu sa ugovorenim,
3. Ukoliko Izvršilac ne otkloni nedostatke po primjedbama Naručioca,
4. Ukoliko Izvršilac iz bilo kojeg razloga osim više sile, dođe u situaciju da ne može izvršiti ugovorene usluge.

U slučaju raskida ugovora, ugovorne strane su saglasne da će u svemu izvršiti međusobne uzajamne obaveze nastale do tog roka.

Obavijest mora sadržavati razlog raskida ugovora.

X. ZAVRŠNE ODREDBE

Član 11.

U skladu sa članom 72. stav 6. Zakona o javnim nabavkama, Izvršilac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u izradi zahtjeva za dostavljanje ponuda, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 12.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

Član 13.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

Član 14.

Ovaj Ugovor stupa na snagu kada ga potpišu i ovjere ovlašteni predstavnici ugovornih strana. Datum kasnijeg potpisivanja ovog Ugovora, smatra se datumom stupanja na snagu ovog Ugovora.

Član 15.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka ugovorna strana. Svi primjerci važe kao original i imaju jednako pravno djelovanje.

ZA NARUČIOCA

Rektor

Prof.dr. Rifat Škrijelj



ZA IZVRŠIOCA

Direktor

Dr.sc.med. Žana Pozderac
Jahović
Primarijus specijalista
interne medicine
subspecijalista kardiolog



Sarajevo, 12. 09. 2019. godine
Broj: 0101-7116-4/2019

Sarajevo, 16. 09. 2019. godine
Broj: 03-01-2090/19